

長垣縣志序

賜進士第文林郎知長垣縣事關中南山張治道撰



長垣志九卷余來縣之二年以刻者也
是志編及梓纔三月其期促其辭陋其
事簡而弗備襍而弗倫顧足以詔後世
也哉按長垣古蒲邑也史記孔子去衛
過蒲又去陳過蒲子路為蒲長而孔子
三善之皆此也古蹟名物視他郡邑猶

前序

多焉近以志不存皆湮滅弗可考矣肆
學堂岡相傳為四子侍坐所而匡地孔
子居猶彼缺也父老尚道其事他何可
盡哉蓋自春秋以後地無常隸戰國屬
魏秦屬三川漢屬陳留後魏屬東郡而
元始改大名路隸開州而我
朝因之以故名物事迹之多皆散見於他
志後以繫屬遷徙之下而地非所隸皆

削而不書雖他志亦不可考矣其間畧有散見於群書而見聞之不及者然記載浩汗不能徧觀博采以求無遺以不可考之陋而加以記載浩汗之難以是而為志辭安得不陋事安得不簡而弗備襍而弗倫也哉雖然志所以志事志乎古所以厲於今志諸今所以傳諸後故不病其陋而病其謏不病其簡而弗

備襍而弗倫而病其失實而弗佞若人苟有厲乎風教雖一人可也事迹之顯於古者可以訓諸今雖一事可也况疆域志而地理昭田賦志而制度定祠祀志而大典明公宇志而躋芋尊官守志而職事見人物志而產育顯古蹟文章志而考據述作之著且明若夫采緝雖未備而博古者有弗覩然其時事之悉

亦足以優職守者之觀覽也顧可以簡陋弗備而弗刊邪嗚呼禮棄存羊所以俟其復久病求艾則猶可及之也知古聖賢經歷致治之區而使古蹟名物之不可考者凡以志之不存也今幸得其僅志者矣迺畧而弗刊是年與禮俱廢而苟為不蓄終身不可得矣於是乎志若其他不可考固在所俟云

八
前序

正德丙子九月望

重刻長垣縣志序

賜進士出身大中大夫遼東鉅馬寺鄉開州端溪子王崇慶撰
序曰垣志舊未聞也蒐志而加修自西
京張侯治道始也考其年蓋正德丙子
云蒲坂杜侯緯繼尹茲邑乃嘉靖辛丑
夏四月使來問志若曰令以植民民以
固邦邦教在禮禮在典典在志由周以
來莫之能違也吾憂志之未備而又懼

前序

四

其壞也先生何以教我王子曰不亦善
乎充侯之志雖以茂人文而崇化術可
也獨邑乘也哉然吾不敢以文倡諸時
而又不欲效夫瑣瑣弄文墨者亦惟曰
即名以究義因義以求實如是而已耳
如是而有實焉文在其中矣反是而藻
繪於聲色也吾何觀焉故吾之論志亦
異乎人之撰與是故邑志九一曰地理

則疆域為大焉吾欲其無忘慎守已矣
二曰田賦則征稅為大焉吾欲其無效
暴橫已矣三曰祠祀則祭供為大焉吾
欲其無涉淫祀已矣四曰建置則城室
為大焉吾欲其無失渾堅已矣五曰官
師則治教為大焉吾欲其無褻士民已
矣六曰人物則孝貞為大焉吾欲其無
忝所生已矣七曰選舉則科貢為大焉

吾欲其無倍於正已矣八曰古蹟則陵
墓為大焉吾欲其無愧仰止已矣九曰
文章則實用為大焉吾欲其無辱達意
已矣夫沿實而履道之門也崇名而華
德之棄也用中而時化之本也守恆而
一治之順也夫四者先王之所以教萬
世也不然名存而實且亡矣惡在其為
志也故觀志所以觀物也觀物而天下


之理得矣奚有於政侯再拜而謝曰先生教我矣然吾未敢專也於是復請諸當路曰中丞範東劉公曰侍御虛川殷公曰文宗南渠黃公曰兵憲碧泉張公曰府侯鄮西張公既而皆報曰可於是遂命梓人刻新志焉將卜月而告成事且以告邑之人若夫知我罪我則有君子在嘉靖辛丑夏六月一日丙辰也

南抵封丘劉尤界

長垣地理圖


西抵滑縣馬村界

東抵開州金堤頭界





北抵滑縣界



縣治圖二



雙忠祠



雙忠祠



黄河圖四

河南布政使司

蘭陽

儀封

龍王廟

塔兒灣

封丘

司報

家廟

東家堤

長堤

孔家堤

王台廟

要衝

龍王廟

大名行府

張家河

長垣

小曹

新店

月堤


杜勝集




大崗司

公台

東明

曹州





漢伯玉墓

墓之公遠

軒過寔

堂子君

祠侯黃內


仲由墓

墓之由仲

明高大正

祠公內河

六



志例七條

一邑志目錄舊多魚散不倫予爲釐正始之以地理終之以文章而又各以其類兩行分註於下蓋綱舉目隨亦史體之大要也

一官師治教攸係舊志殊畧且混淆無序可否莫辯非所以爲訓也予爲此懼問諸邑長而又訪之故老叅之遺文蓋僅得二十人錄焉若乃治行邪正蒞官久近則亦多因其畧而不敢妄有增損亦古人存夏正意也

長望上

目錄

一文章所錄蓋錄邑之政教與其風化切於守令者耳舊志竝錄志銘則涉於家乘非愛人以禮矣今請改正亦所以追愛前令也

一寺觀今仍錄者示正邪之不可並立也

一貞烈風化之大端女婦綱常之托始然而守節似易死節似難况陰柔而不失其正不又難乎予是以尤獎其死節者

一志中所載擇其要而切者爲小說斷之所以寓懲勸庶去取補缺畧也

一記序詩賦多存其舊不苦責其工也已見治考者不敢重錄

長垣縣志目錄

一地理沿華里至分野風俗形勢

二田賦貢賦地畝戶口

三祠祀廟貌壇壝寺觀

四建置學校署舍亭鋪

伍官師名宦

六人物才賢流寓孝行

長垣志上

七選舉進士舉人叢舉貢士

八古蹟陵墓城壘臺丘故

九文章列傳碑記序

目錄

長垣縣志卷之一



縣庠生劉芳王漢王珙楊旻 編集

州庠生郭九遷張文錦張來庭校勘

開州王崇慶 訂正

邑人邢第 同訂

一地里 監生楊桂 邵舉 胡澍重校

沿革曰稽長垣是為古匡距府凡二百七十里云昔

在唐虞夏是為并兗冀三州之域周武王以封康

叔傳位十三桓公十三年入春秋遂又為衛衛州

長垣志上

吁弑桓自立冬殺州吁宣公晉立是時又為衛之

匡邑一曰蒲城即仲由所嘗治云戰國屬衛都大

梁蒲城屬為尋廢秦並天下屬三川郡即大梁也

漢置長垣縣屬陳留郡新室改長固東漢復為長

垣其先武帝置雒陽五百三十里承匡城東郡本

秦置去雒陽八百里長垣侯國匡城甚狹周凡三

里至晉復曰陳留陳留本漢置領縣十長垣故匡

地孔子所厄也後魏屬東郡改匡城縣唐為滑州

靈昌郡領縣七匡城有長垣縣貞觀八年省隋開

皇十六年改匡城縣治婦姑隸滑州今滑縣是五代梁晉周漢復爲長垣屬開封府號東京後唐後改匡城宋建隆初避諱復改長垣金屬滑州太和四年徙柳家村避水患也元初屬大名路至元二年復隸開州

國初洪武改大名府隸北平布政司永樂初直隸京師領縣十州一長垣其一也後水患息復還蒲城今治也仍隸開州以星宿有長垣故名

里至在府西南三百里東抵東明西抵滑縣南抵蘭陽北抵開州廣一百里袤六十里

長垣志上

二

四至東至東明縣裴子岩集七十里西至滑縣馬村店三十里南至蘭陽界沙窩四十里北至開州胡丘店二十五里

八到東到東明縣九十里西到胙城縣九十里南到蘭陽縣九十里北到開州一百五十里東南到儀封縣一百三十里西南到封丘縣六十里東北到東明集五十里西北到滑縣九十里

分野

知縣劉弘璧按本縣故衛地地里志衛地營室東之分極然室壁屬手并州若不關

于衛矣先儒謂舜即位以冀青地廣始分冀東恒
山之地為并州有曰舜以古冀州南北闊大分衛
水為并州則本縣迺武貢冀州之域也或問自漢
以來皆屬河南陳留郡武帝元符元年置陳留屬
兖州而長垣亦隸之俱屬陳留則呈應房心屬兖
州則呈應角亢况以地考之南達大梁東連兖境
相望咫尺遠為室壁之次何哉按衛為秋所滅文
公徙居楚丘三十餘年于成公徙於帝丘春秋經
曰衛與于帝丘今之濮陽是也成公後十餘世為
韓衛所侵盡亡其旁邑綱目秦伐衛取垣蒲蓋知
久屬衛矣若屬衛屬漢而廢改分星豈理乎漢書
云衛地有桑間濮上之阻今因俗觀象當為衛地
弘故書此以備
參考見舊志

風俗地壤豐饒民信禮義而文德聰敏之士實多見

志遇大難守義而不變孔子謂衛公曰男子有死

長垣志

見史記 婚姻死喪患難相勸助不重稱貸餘來縣之

早甚糧草不能運起縣民納粟指揮張議及百姓

閭閻劉勃王堂各持數百金赴縣願備納且不論

償與否其尚義之心類多如是且人多壯士頗難

於治孔子謂子路曰喜豪奢而病儉嗇人多好酒

使氣者然其淳雅忠厚之風猶存乎古苟有道者

相率而趨之甚不難也

按長垣舊志謂好勇使氣人多徒訟是固然

矣今每一放告詞狀曾不多紙而百姓日安
於無訟者何哉良以杜侯塞告訐為之所也